

孚

惠

全

書

孚惠全書卷三

普鑄錢漕三

乾隆四十三年十月初三日奉

上諭大學士管兩江總督高晉浙閩總督楊景素等合詞陳奏以江浙臣民望幸甚殷且河工海塘皆冀親臨指示懇請於庚子春再舉南巡盛典以愜輿情一摺朕於乙酉南巡回鑾時因耆孺攀戀情殷曾許以翠華再蒞然敬念

聖母皇太后春秋已高難以再奉

安輿長途遠涉遂諭江浙大吏不必更以南巡為請而江鄉士庶愛戴依戀之情狀未嘗不往來於懷距今已十有四年其顯望悃忱日益臃切且自

前巡閱定五壩水誌以為展拓清口之準下河從此遂免水災嗣聞黃河倒漾所繫甚重因酌定挑濬陶莊引河面諭薩戴籌辦河成而清黃交匯處移遠清口不復有倒灌之患但下游尚有停淤亦不可不除其流弊而一切善後事宜若非臨莊閱視究不能悉其實在情形至浙省海塘近來潮勢漸趨北岸深為屢念亦不可不親為相度機宜今高晉等既有此奏著照所請於乾隆四十五年正月趣旨啟鑿巡幸江浙便道親閱河上海塘所有各處行宮坐落俱就舊有規模略加葺治毋得踵事增華致滋煩費至該督等以庚子年適逢朕七旬萬壽欲就近舉行慶典則斷不可服本意以庚

子年為朕七旬慶辰越歲辛丑即恭逢

聖母九旬萬壽斯則數天同慶自當膺歡祝

嘏以行萬姓悃忱今既不能遂朕初願尚復何心
為己稱慶况朕蹕途所經老幼歡迎扶攜恐後未
嘗不顧而樂之若經棚戲臺修陳鏗絲點綴紛華
飾為衢歌巷舞深所不取且非所以深體朕意也
不特江浙臣民不當為祝釐之舉即凡內外大小
臣工於朕七旬萬壽時亦均不得請行慶典以及
進貢獻詩若伊等謂欲藉以申其尊敬之誠是轉
增朕心之不悅尚得謂之忠愛乎但天下士民遇
朕七旬萬壽皆不免望恩澤澤此則情理之常朕
亦何肯因不舉行慶典並靳恩施乎著於己亥年

八月舉行恩科鄉試庚子年三月舉行恩科會試以彰壽考作人之盛至各省漕糧於乾隆三十一年普免一次茲蒙

昊蒼眷佑累洽重熙朕敬體

天心愛養德化用是再沛恩膏著於庚子年為始復行普免天下漕糧一次俾藏富於民共享盈寧之福所為欽福錫民慶莫大焉其開科事宜著交禮部查例辦理其各省漕糧應如何分年輪免之處著交戶部詳悉妥議具奏將此通諭中外知之御製降旨免各省漕糧詩以誌事

有斥
乙亥

則壤成賦普蠲已至於三徹田為糧全免亦周其一蓋儲穀在下無珠儲穀在官而藏富於民

何必藏富於國念耕餘之利用曾因卅載而通
準乎惠於施生又越十稔以外明年屆朕七旬
開袞之歲爾時實我萬民律澤之辰雖在于未
逆初衷不忍先行慶典而以彼各懷隱願豈宜
靳沛恩膏惟

鴻臚之疊曆非款以之迺羣情之曲體俾盈且盈
爰詔從庚子為權輿再輸蠲七省之輸挽撫太
倉之紅積久已陳陳相因善節屋之素封自爾
多多益善大號斯渙長律用成

正供一再已加蠲

丁酉各省正賦曾於乾隆丙寅庚寅
丁酉降旨輪免三次七省漕糧

則於丙戌歲為始善免一周茲免漕糧兩次全糧
合之此次亦再施惠於民矣
穀停徵七直省輓輸輪運五為年七省戶部議有漕

以五年太倉積籩原無匱比戶飽溫庶有緣莫匪
天恩幸時泰用穀引養合當然

乾隆四十四年八月十七日奉

上諭據陳輝祖奏本年九月已屆新漕交納之期
豫省自春至秋豐穰倍於往昔即被災之地屢蒙
恩恤元氣日復俱可踴躍輸將惟是議封商邱等
州縣漫淤未退苦漕糧新舊並徵民力不無拮据
現奉恩旨於庚子年為始普免天下漕糧一次豫
省例應明年全免懇恩即就今歲概賜蠲免並請
將議封考城等五州縣乾隆四十三年緩徵漕糧
展至四十五六兩年分半帶徵等語前因豫省漫
工久稽堵合瀕水田不能耕獲情形未免拮据

初八日奉

上諭依議此次普免錢糧按照各直省額徵銀數將所屬各府州次第搭配分作三次按年輪免通計三年一律蠲完較之按省分年輪免各省年分先後不同者自更覺恩施早被遠近齊霑至一省之中應免府州當先儘五十四年災緩之區首先蠲免於災黎更有裨益該督撫務須悉心籌畫妥為分別辦理並督飭所屬審力奉行務使編氓均霑渥澤毋令吏胥從中影射侵漁稍滋弊混以副行慶施惠敷錫兆民之至意仍令各督撫自行具奏

初八日奉

上諭今歲朕屆八旬壽辰敷錫兆民普天同慶特降恩旨將乾隆五十五年各直省應徵錢糧通行蠲免農民等皆可均霑惠澤因思紳衿富戶田產較多之家皆有佃戶領種地畝按歲交租今業主既概免徵輸而佃戶仍全交租息貧民未免向隅應令地方官出示曉諭各就業主情願令其推朕愛民之心自行的量將佃戶應交地租量予減收亦不必定以限制官為勉強抑勒務使力作小民共享盈盛之樂以副朕字惠閭閻廣宣湛澗至意

二月二十九日奉

上諭本年朕八旬萬壽業經特降諭旨將天下錢糧普行蠲免浙江省温州府所屬玉環廳額徵租

設及杭州府所屬海鹽州沙地租銀本不在應免之例第念此項銀錢按故輸將實與地丁無異若照舊徵收小民未免向隅著加恩將玉環廳租銀二萬二千餘石海鹽州沙地租銀二千八百餘兩一體蠲免俾瀕海黎民均霽膏惠

三月十二日奉

上諭本年朕八旬壽辰業經降旨將各直省地丁錢糧普行蠲免甘肅省臨邊各屬應徵畚糧草束及河東河西各屬應徵屯糧本不在蠲免之例第念該省所徵糧草較多若照舊徵收小民未免向隅著加恩將臨邊各屬畚糧草束一體蠲免其河東河西屯糧草束亦著照上次之例蠲免十分之

三牌邊省民番共需渥澤該部即遵諭行

三月十四日奉

上諭本年朕八旬壽辰業經降旨將直省地丁錢糧普行蠲免臺灣府屬有應徵供粟乃官莊租息銀兩本不在蠲免之列第念該省各府州縣錢糧俱已全行蠲免臺灣瀕臨海外若不獲一體邀恩番黎等未克向隅若加恩將臺灣府屬一廳四縣應徵供粟按照內地之例分作三年輪免其官莊租息銀兩亦著蠲免十分之三以示加惠海疆至意該部即遵諭行

二十日奉

上諭本年朕八旬壽辰業經降旨將各直省地丁

錢糧善行蠲免烏魯木齊各州縣每年額徵地糧
本不在蠲免之列第念內地俱已全行蠲免該處
若不獲一體邀恩編氓未免向隅著加恩將烏魯
木齊所屬各州縣戶民額徵地糧七萬餘石豁免
三分之一以示加惠邊黎至意該部即遵諭行

四月二十九日奉

上諭山西省太原遼州等十六府州並歸化城應
徵本色及清水河等廳並太僕寺牧廠地畝應徵
折色銀兩著仍照上屆之例加恩蠲免十分之三
其應徵本色之大同朔平二府及和林格爾等處
新墾地畝應輸折色並莊頭退出招種地租銀兩
又豐寧二廳地畝折色租銀亦照上屆加恩一體

獨免以示朕普惠羣黎有加無已至意該部即遵諭行

五月二十二日奉

上諭本年逢朕八旬萬壽大慶業經將天下民戶應納錢糧概行寬免矣因念西藏所屬三十九部落番子等亦有應納款項自當一體同沛愷澤著加恩將本年應納馬折錢糧銀三百九十餘兩寬免以示朕一視同仁加惠天下臣僕之至意

六月初九日奉

上諭湖南乾州鳳凰永綏三廳並城步綏寧二縣每年額徵苗民雜糧八百六十一石九斗三升著仍照上屆之例加恩一律蠲免隨同地丁分年輪

豁所有應需兵糧等項亦著照上屆蠲免苗糧之年另行動款撥支以示朕普惠邊黎有加無已至意

七月初六日奉

上諭本年朕八旬壽辰業經降旨普免天下錢糧令各省按各府州縣分年輪蠲陝西省正項錢糧既經輪免所有各廳州縣尚有應徵本色起存並學租共糧二十萬五百一十五石草一萬五千六百三十五束棉花四十九觔零著仍照上屆之例加恩一律蠲免以示朕普惠邊黎敷錫延禧至意該部即遵諭行

乾隆五十八年十一月二十日奉

上諭朕自臨御以來惠愛黎元加恩海寓凡普免天下錢糧四次普免漕糧二次此外偶遇水旱偏灾隨時蠲免賑恤者又不一而足敬念

聖祖仁皇帝御極六十年普免錢糧一次漕糧一次稽諸史冊已為亘古所未有而朕繼承統緒於重熙累洽之後推日孜孜無刻不以民依為念蠲免次數視康熙年間更有加增此皆由國家承平日久生齒益繁人君代

天養民允宜渥沛恩膏俾閭閻共臻樂利方為子惠元元之道我子孫繼膺大統亦當以朕之心為心愛養斯民推恩行慶若能頻施曠典視朕有加實我大清國億萬年無疆之庥若斯惜恩膏有所

弗違即非所以善繼善述設彼時大臣中或以經費有常儲蓄宜裕為詞者以為國用起見易於動聽而不知民為邦本正所以為國其言斷不可聽也為治之道首在用人而人才究以正途為重前因軍需河務支用浩繁曾暫開捐例原屬一時權宜之計不久即行停止迄今已閱二十餘年而府庫充盈並不因捐例停止稍形支絀銓選既無壅滯人才亦得奮興可見捐納一事竟當不必舉行此不特慎重名器並以嘉惠士林我子孫亦應奉以為法倘復有奏請開捐者即為言利之臣更當斥而勿用惟有監一途乃眾所願不佔正途不過給予頂戴無碍銓政亦仿古人納粟之意事尚可

行是皆用人愛民之大經大法著將此旨敬謹存
記俾我世世子孫遵循弗替以期永臻邱治

乾隆五十九年八月十五日奉

上諭朕臨御天下五十九年仰蒙

昊蒼眷佑

列聖貽庥薄海昇平梯航向化重累熙洽惟日孜
孜無時不以敬

天勤民為念行慶施惠錫祐延禧普免漕糧二次
地丁錢糧四次而偶遇水旱偏裃隨時蠲租賜復
賑貸兼施不下帑金數千萬兩所以休養生息子
愛黎元至周且涯茲紹膺統緒明歲正屆六十年
粵稽史冊前代帝王享國長久者未可多得即有

一二或係冲齡踐祚用能多歷年所朕則春秋二十有五始即位延曆大嘗迄今八旬開四原疆達古五代同堂景運增隆寰瀛謐享國之年幸周甲子壽祚延洪實為古今罕觀之盛事此皆上蒙昊貺駢蕃克膺備福朕於感荷之餘彌深兢業早經欽天監推算六十年元旦日食上元月食古來史傳所載有日食修德月食修刑之說固因

上天垂象理宜修省其實君人之道於德刑二事平日本宜刻深兢勩亦何待日月薄蝕始懷寅戒之心應天以實不以文與其託諸空言寧若見諸行事之實修德莫大於愛民若輩敷恩澤加惠閭閻俾海寓子民共臻樂利則所謂修德孰大於是

所有六十年各省應徵漕糧著再加恩善免一次
其應如何分年輪免之處仍著該部核議具奏至
以修刑而論則停免勾到即所以恤刑但款非善
政利於宵小而不利於善良昔人即有此論明年
係六十年國慶後歲丙辰為嗣皇帝即位元年俱
應錫慶施仁矜恤刑獄若今年停勾則三年連續
秀民恃有寬政作姦犯科者無所敬畏轉非辟以
止辟之意是以本年仍照舊勾到明年元旦著照
五十二年之例不御殿不受朝賀是日午後向有
諸王暨皇子皇孫等內庭家宴之例五十一年元
旦日食復圓後曾經舉行明歲完係六十年週甲
年分所有內庭家宴亦著一併停止舉行朕於是

日亦不御禮服照每年例恭竭

奉先殿

堂子及

先師各等處行禮時御龍袍貂褂將屆日食時即換常服以示寅恭而寓修省日月薄蝕踰度本屬有定數千百年後皆可推算而得所謂千歲之日至可出而致但元旦上元通值日月虧蝕究為昊穹示微之象幸

天恩垂佑通在明歲為朕即位週甲告成之年自應祇承無致設在丙辰正月則為嗣皇帝即位之元於吉祥盛事轉為木慊是即日月薄蝕一事而上天之為祐朕躬以貽我子孫萬年無疆之麻者

至優至厚朕惟有益感

天恩倍深乾惕又明年乙卯為朕臨御六十年本欲於萬壽節前由熱河回京受賀今春因中外臣工懇請舉行慶典適以上冬雪澤未獲優霑春間又復缺雨業經降旨宣諭令將明年慶典停止舉行若仍照庚戌年八月之例於萬壽前回京則王公外藩以及大小臣工等必又再四懇請舉行慶典則似朕今春所降諭旨轉為不誠是以明年仍定於熱河駐蹕過萬壽後再行回鑾俟至丙辰正月歸政嗣皇帝以符正月上日受終文祖之義彼時備儀授受盛典光昭嗣皇帝率領臣民以天下養介禧祝嘏慶洽敷天尤為千古罕觀盛事實我

大清億萬載無疆之福也將此通諭知之

乾隆六十年三月初九日奉

上諭據周傳奏本年安徽省漕糧輪應蠲免所有
隨漕各項分別徵緩等語向來免漕之年仍有應
徵隨漕一切贍月兵孫南屯本色正耗米麥等項
安徽本年輪應免漕其隨漕各項自應分別緩徵
除該省辦運漕糧及向無正漕各府州縣隨漕應
完銀米照舊徵收外所有盛國旌德太平英山四
縣民折官辦之行月贍米應俟下年再行徵辦該
部知道摺並發

平惠全書卷三

平惠全書

七

平惠全書卷四

減除舊額一

雍正十三年九月初八日奉

上諭江南江西湖廣等省正供錢糧款內有蘆課一項凡蘆洲俱係沿江沙灘坍塌漲厝定是以定例五年一丈量令地方官勘踏新舊坍塌漲沙地據實報聞而不肖官吏往往借此納賄行私已坍之地不得豁除正賦新漲之區反可脫漏升科此種積弊甚為民害嗣後屆期丈量著該督撫於通省道員內選廉能夙著者率同該州縣官履畝清查凡有盈縮俱按現在實數升除毋使漏課亦毋使賂糧其不肖官吏或尚有借端需索等弊即行指名

參處不得姑容徇庇自干咎戾

十月十六日奉

上諭朕聞各省地方於關稅雜稅外更有落地稅之名凡擾鋤箕帚薪炭魚蝦蔬果之屬其直無幾必查明上稅方許交易且販自東市既已納課皆於西市又復重徵至於鄉村僻遠之地有司耳目所不及或差胥役徵收或令牙行總繳其交官者甚微不過飽姦民猾吏之私索而細民已重受其擾矣著通行內外各省凡市集落地稅其在府州縣城內人烟湊集貿易衆多且官員易於稽查者照舊徵收但不許額外苛索亦不許重複徵收若在鄉鎮村落則全行禁革不許貪官污吏假借名

色巧取一文者該督撫將如何裁革禁約之處詳
造冊報部查核倘奉旨之後仍有不實心奉行
暗藏弊竇者朕必將有司從重治罪該督撫並加
嚴遠此旨可令各省刊刻頒布務令遠鄉僻壤之
民共知之

十一月十八日奉

上諭聞晉省大同朔平二府解納本色米豆一項
向例按里徵收腳價距倉三四百里者每石徵至
腳價銀三四錢不等輸納太重民力難支此不但
與通省錢糧之火耗懸殊即以大朔二府所屬州
縣相距倉廩遠近而計雜倉愈遠腳價愈多亦不
免偏枯嗣後除雜倉最近之州縣向係糧戶自行

赴倉交收者仍聽民便令其自運不徵腳價外其餘州縣每石米豆止徵車腳銀兩一錢此外不敷之運價著於司庫存公耗羨銀兩內撥給添補令各該州縣官承領雇運不得絲毫刻減及私行派擾再聞米豆一石向例徵收加耗糧八升亦覺太重嗣後每石免耗糧四升止徵耗糧四升以二升為州縣等沿途虧折之耗二升為存倉鼠雀之耗諒無不敷均自本年始永遠為例戶部即行文該巡撫遵旨辦理

二十四日奉

上諭朕聞東省泰山有碧霞靈應宮凡民人進香者俱在泰安州衙門輸納香稅每名輸銀一錢四

分通年約計萬金若無力輸稅者即不許登山入廟此例起自前明迄今未革朕思小民進香禱神應聽其意不必收取稅銀嗣後將香稅一項永行蠲除如進香人民有願捨香錢者各隨願力不得計較多寡亦止許本山道人收存以資修葺祠廟山路等費不許官吏經手緣是染指永著為例該撫即通行曉諭知之

二十八日奉

上諭朕聞山西大同偏關老營水泉三汛兵丁向有交納徭銀一項該汛兵丁並無承種田地一經充伍即按名額徵悉在餉銀內扣交每年約徵收徭銀六百八十兩有奇相沿已久至今未革朕思

三汛營兵既無管業地畝而派納徭銀扣除月餉未免減其養贍之資朕心軫念著從乾隆元年為始將此項蠲免該部行文晉省巡撫是鎮遵照朕旨永著為例

十二月十六日奉

上諭從前陝省地丁火耗經年疊耗兵鍾琪先後定為加二以一錢五分作為各官養廉及一切公費其五分則採買社倉穀石以裕積貯後因積穀已多無事採買則以此五分添助軍需盤費之用此向來情形也今人兵漸撤軍需簡少而仍存加二之耗羨殊非朕愛養秦民之至意著將此五分即行裁減倘未了軍需項下有應用之處即於公

費項下支給該督撫務體朕意督率有司實力奉行俾秦民均霑惠澤

十七日奉

上諭河防隄岸插壩等項一切工程凡有闕運道民生者定例俱動正項錢糧應用乃各省俱有於田畝捐派者豈皆出自小民之願大都上司因節省錢糧起見授意屬員為粉飾之計相沿日久官吏藉端苛索民間所費必至數倍不持苦累民生亦於國計無補朕聞山東省挑挖運河每年有派幫民夫工食銀五萬三千四百餘兩江南松江海塘歲修有每畝捐錢五文京口挑挖運河每年於蘇松常鎮太等府州照額徵漕糧正耗米協解銀

三千八百餘兩蘇松常鎮太通六府州應修河渠
牘壩令長洲等三十三州縣按畝派錢五文三二
文下等以供大修並令每畝又酌量捐錢以為歲
修四川歲修隄堰令每畝派銀一二釐不等直隸
運河挑淺於天津等州縣每畝幫銀一釐以上各
款總於田畝正賦之外派令捐輸合計捐數共十
萬餘兩而官吏之借端苛派必有不正於此者正
帑之所省有限官吏之中飽無窮著該部行文四
省督撫即將該省捐輸各項於乾隆元年為始一
槩革除仍嚴飭所屬官吏無得私行徵派以為民
困其挑挖運河等項工程需用銀兩著該督撫核
實奏明於公項內酌量動用報部核銷

二十六日奉

上諭朕聞淮安府阜寧縣所屬射陽湖地方於雍正五年經齊蘇勒題升淤地八千一百餘頃升租銀四千餘兩又康熙五十九年查丈射陽湖北岸淤灘業內有民人周士孔楊景希升地四百餘頃應升銀一百七十兩俱係有糧無地小民賠累難堪是以向來積欠累累從未清完今各項舊欠雖已蠲免然將來新賦無出勢必仍行徵比甚屬累民著令前項升地八千六百五十頃四十九畝零租銀四千二百六十一兩零俱行豁免以蘇民困該部即遵諭行

乾隆元年二月十六日奉

上諭朕聞江南淮安府屬之桃源縣徐州府屬之宿遷縣雖盜縣濱臨黃河沿河地畝潦涸靡常雍正五年因朱家口潰決之水復循故道其舊淹田地始得涸出而河臣為地棍所欺遂以此地為新淤之腴產雖盜縣報升地五千三十九頃宿遷縣報升地四千七十二頃桃源縣報升地三千八百四十二頃嗣蒙

皇考世宗憲皇帝勤求民隱特頒

諭旨以淤地勘報不實令河臣會同督臣委員查勘共豁地七千二百餘頃萬民感頌所有存留地五千七百餘頃俱照各縣成例折算膏地三千五百餘頃科則亦經減輕其潼安一衛裁汰改歸州

縣徵收乃比年以來應納錢糧仍催徵不前蓋此
淤出之地故即舊有之糧田是以民力維艱輸將
不繼也朕以愛養百姓為心既洞悉其中情事自
當加恩開除以紓民力若將宿違雖藍桃源三縣
現存新淤涸復改科地糧額徵銀六千五百四兩
全行豁免其雍正十三年淤地未完錢糧亦免徵
收至水沉地畝仍照例歸於每年冬勘該部即遵
諭行

三月初一日奉

上諭朕聞浙江紹興府屬山陰會稽蕭山餘姚上
虞五縣有沿江沿海復岸工程向係附近里民按
照田畝派費修築而地棍衙役於中包攬分肥用

少報多甚為民累嗣經督臣李衛擬行府縣定議
每畝捐錢二文至五文不等合計五縣共捐錢二
千九百六十餘千計直銀三千餘兩民累較前減
輕而胥吏等仍不免有借端苛索之事朕以愛養
百姓為心欲使閭閻毫無糾擾著將按畝派錢之
例即行停止其隄岸工程遇有應修段落著地方
大員委員確估於存公項內動支銀兩興修報部
核銷永著為例

十三日奉

上諭聞江南長江一帶向有貢獻鱔魚之例至原
熙年間停止因而地方改為折價向網戶徵收解
充地方公用乃歷年既久或網戶改業或移徙他

方展轉牽連又加胥吏借端苛索遂至沿江捕魚之人代受追呼之累朕思當年

聖祖仁皇帝停止貢解乃愛惜民力之至意何用此些須折價頻擾小民若該督撫查明豁免永著為例

二十一日奉

上諭廣東山海奧區貧民多以捕魚為業各縣俱有額徵漁課為數無多相沿已久後因歸善縣不肖知縣私取陋規加於額徵十數倍遂經撫臣定議加增魚稅一千餘兩作為贏餘而海豐惠來潮陽三縣亦仿照加增海豐縣則增至四千餘兩惠來縣增至五百兩潮陽縣增至七百餘兩朕思粵

東山多田少小民生計艱辛故以捕魚為養贍之計今他縣魚租皆仍舊額而歸善等四縣獨徵收加重恐漁民輸納維艱非國家愛養黎元之意著將四縣加增之數悉予豁免仍照原額徵收其捕魚小船尤不應在輸稅之內再查粵東有埠租一項亦民間自此之微利前經地方官通查歸公為湊修圍基之費夫圍基既動公項銀兩修築則埠租一項亦著一體免徵以免閭閻之煩擾該督撫可轉飭有司實力奉行毋使姦胥地棍借端私取致窮民不得均霑膏惠

二十九日奉

上諭朕查江南泗洲地方前經河臣齊蘇勒升報

新淤地畝九千八百餘頃嗣蒙

皇考察知辦理之員勦報不實

諭令督臣尹繼善再加確勘隨開恩豁免八千六百餘頃止存淤地一千二百七十四頃入額升科今朕聞得泗州地方濱河臨湖地勢極低凡虹縣桃源之水皆歸入泗州安河入洪澤湖而此等淤地即在安河兩岸每年水勢漲發淹涸靡常收成無定小民不免賠糧之苦深可憫惻著照淮安府阜寧等縣之例將泗州安河兩岸重糧水淹之淤地一千二百七十四頃九十七畝額徵錢糧一千二百二十二兩三錢奉一百一十石八斗自雍正十三年為始盡予豁免以示朕減賦恤民之至意

四月初四日奉

上諭朕前聞河南鄭州臨河之姚店等保地方於雍正元年楊橋河口衝決以後地畝變成鹹鹵賠納空糧甚為該地民人之累隨密令該撫富德確查據實具奏今據富德查奏鄭州東北境姚店等保一帶實在鹹重不可耕種地共三百九十頃八十七畝八分四釐實在沙深不可耕種地共六十六頃八十三畝九分七釐二項共地四百五十七頃七十一畝八分一釐額徵地丁糧銀三千八百八十兩五錢三分四釐零所有雍正十二年以前積欠已叨恩豁免其十三年未完額銀各該戶實屬輸納維艱等語鄭州所屬之姚店等保既據富

德勤明酥自飛沙地共四百五十七頃七十一畝
八分一釐膏屬不毛地既難耕種自無出著該部
將該地額徵糧銀三千八百八十兩五錢三分四
釐零即與豁免以蘇民困其雍正十三年應徵糧
銀亦著豁免該撫即行曉諭該地民人知悉仍嚴
飭該地方官毋得私自徵派以副朕加惠豫民之
至意

十三日奉

上諭山東泰安州香稅朕已降旨豁免近聞湖北
太和山凡遠近進香者亦有香稅一項小民虔禮
神明止應聽其自便不宜徵收香稅以滋擾累所
有太和山香稅著照泰安州之例永行豁免該督

撫卹飭令地方官實力奉行毋使姦胥土棍巧取
滋弊

五月十二日奉

上諭聞山東青州府益都縣有前明廢藩更名地
一項在當日為藩封之屋不納課糧召人承種輸
租各佃止更姓名無庸過割謂之更名地較之民
糧多二倍至四倍不等在當日居民投靠藩勢借
佃護身積漸增加沿為陋例今則同為民田而納
糧尚仍舊額名為欵租地糧多賦重小民輸納維
艱朕心軫念著將欵租名色裁革照依該縣上丁
民田按畝承糧每大畝納銀二錢一分零每小畝
納銀六分四釐零歸入民糧項下一體徵收俾循

惟正之供永徐偏重之累著該部行文山東巡撫
卽遵諭行

二十二日奉

上諭朕聞直隸宣化府屬之懷來縣僻處山邊向
有保寧號墾荒地七十一項徵糧八百六十餘石
始於前明時防禦邊患募兵戍守卽以近山地土
令其耕種每軍士一名種地五十畝者准作半年
糧六石種地一項者准作一年糧十二石彼時應
募屯軍不過圖免本身雜差遂不計地之多寡荒
熟今歷年既久其間有地荒而糧存者有地少而
糧多者官民不免賠累之苦且該縣徵糧科則上
地每畝徵糧五升六合中地三升六合獨此項則

每畝徵糧至一斗二升民力尤難輸納著該督委
員確查將山坡地不可耕種無所出者共計若干
奏聞豁免其可以耕種之地則按照本縣科則分
別定議俾邊寒黎民永霑實惠

二十七日奉

上諭朕聞甘省以糧裁丁從前辦理未善致多徧
估屯民甚屬苦累現有民戶丁銀攤入屯戶者九
千二百二十五兩屯戶輸納維艱朕心深為軫念
再四思維此種丁銀乃國家惟正之供並非無著
之項祇因從前岳鍾琪任意增減遂至苦樂不均
今應酌善變通之法以惠甘民著將此多攤九千
餘兩暫為豁免除俟下屆編審之時將半慶臨鞏四

府及新改直隸之秦階二州所屬各州縣新編人丁應完丁銀均勻攤入民地糧內漸次補額即分作二三次編審逐漸補足亦可務令徐徐增補以紓民力俟補足之後即行停止永不加賦著督查郎阿劉於義悉心妥議辦理朕又聞康熙五十七年伏羌通渭秦安會寧等縣及岷州衛有地震傷亡缺額之七千六百八十丁該銀一千四百八十六兩有零人口既無丁銀自應蠲免乃岳鍾琪亦攤入田糧之內尤屬錯謬著該督等即查明豁除毋貽民累朕又思甘省從前多係衛所管轄其屯戶額徵悉係糧料草束為兵丁必需之物是以蠲免地丁時此項不在蠲免之內惟雍正十年

皇考格外加恩將民戶屯戶應徵各色糧單一概豁免此從來未有之曠典也朕意民屯均為赤子所當一視同仁兵食或有不敷再當別為籌畫嗣後遇有蠲免地丁之年著將屯戶應納之糧單額免三分之一永著為例

六月十七日奉

上諭朕聞廣東有屯糧羨餘一項原係衛所官弁徵收每正糧一石收穀三四石不等除正米撥支兵糧外餘數悉係衛所官弁侵蝕入己嗣經督撫查出題報歸公留備賑糶之用但屯田糧額本重於民田今以一石之糧徵收至三四石屯民其何以堪又聞各省軍田額糧較之民地亦重從前軍

田畝數原多嗣後漸次清釐田主亦屢經更易而糧石仍輸舊額自屬苦累大學士等可寄信各督撫詳加確查將如何定額徵收並革除額外加徵之處奏議請旨

二十四日奉

上諭四川松潘鎮各番輸誠効力恭順多年朕疊沛恩膏俾各休養得所已將口裏口外本年應納正賦通行豁免示朕撫恤遠番之意茲聞從前各番額賦之外鎮將各衙門有私自派收之項每年收谷六族包子寺元壩寒盼七族等寨青稞四百餘石以為公務之用又該鎮衙門收西路戎眉七布二寨熱霧十二寨紅土坡臘白三寨小麥青稞

等項又收所屬各寨折草價之青裸及紅花雄溪
雲屯望山等處關堡折租銀兩又漳臘營收羊崗
東敗王亞寒盼等寨疊溪營收梁貢黃包刺等寨
大姓葫蘆皮袋等寨小麥青裸等項又遇剗挖貝
母之年該鎮及鎮標中營平番營等衙門令平番
所屬各寨交收貝母似此額外私徵甚為番民苦
累亟宜概予蠲除以蘇番困嗣後松潘鎮屬各寨
除按年輸納正賦外一切鎮將衙門不得絲毫派
款倘有仍沿陋習暗中索取者經朕訪聞必嚴加
治罪著該撫及提督遵朕諭旨嚴行禁革並通行
曉諭各番寨地方知之

七月初九日奉

上諭貴州古州等處苗衆從古以來未歸王化我
皇考世宗憲皇帝如天之仁特允督臣所請不忍
棄置併懷之外遂因伊等俯首傾心輸誠歸順之
功收入版圖使得霑濡德澤共享昇平之福原作
利其土地人民為開拓疆圉之舉也即如從前所
定糧額本屬至輕至微不過畧表其向化輸租之
意俟數年之後原欲并此加恩寬免此

皇考撫恤苗民之聖心向朕與王大臣曾經再三
宣諭者詎苗民生性反覆靡常於上年三四月間
騷擾內地并勾引熟苗攻掠城池燒燬村落百姓
被其荼毒兇惡頑梗法所必誅是以遣發大兵分
路進討剿撫兼施其中肆逆抗拒者或就誅夷或

被擒獲而脅從附和之苗寨又各擒縛為首之犯
相率投赴軍前呈繳器械悔罪歸誠軍務漸次告
竣朕思此等逆苗孽由自作固王法所當重懲者
而在

皇考與朕視之則普天率土皆吾赤子此特赤子
中之不肖者耳今身罹刑辟家口分離朕心仍覺
不忍且現在就撫苗衆多屬脅從附和其中尚有
並未從逆始終守法之各寨均當加意撫恤俾得
生養安全因思苗人納糧一事正額雖少而徵之
於官收之於吏其間經手重疊恐煩雜之費或轉
多於正額亦未可知惟有將正賦悉行豁免使苗
民與胥吏終歲無交涉之處則彼此各安本分雖

欲生事滋擾其舉無由况獨克新疆苗賦原屬
皇考聖意朕此時當敬謹遵奉見之施行者也用
是特頒諭旨著總督張廣泗出示通行曉諭將古
州等處新設錢糧盡行豁免永不徵收伊等既無
官吏需索之擾並無輸糧納稅之煩畊田墾井俯
仰優游永為天朝良順之民以樂其妻孥長其子
孫苗衆亦具有人心豈有舍衽席而蹈湯火之理
至於建立營汛分布官兵乃國家定制原以詰姦
禁暴安戢善良各省內地且然况苗疆險要防範
尤不可不嚴且設兵之意所以禁約漢姦播弄構
釁又以查察熟苗私入勾引朋比為姦非特以新
附之苗為不可信而以重兵彈壓之也其設兵事

宜仍著總督張廣泗遵照前旨悉心妥議辦理至駐守弁兵均當謹守法度不得借端滋事如有絲毫擾累該管官即行詳報題叅從重治罪若或隱匿不報經朕訪聞定將該管文武各官一併重處苗民風俗與內地百姓迥別嗣後苗寨一切自相爭訟之事俱照苗例完結不必繩以官法至有與兵民及熟苗關涉之案件隸文官者仍聽文員辦理隸武官者仍聽武弁辦理必秉公酌理毋得生事擾累貴州總督張廣泗可一併曉諭知之

二十二日奉

上諭陝甘兩省錢糧耗羨向係加二徵收前已降旨令該督撫等於乾隆元年為始減去五分示朕

於恤民力之意現在雍正十二年以前錢糧俱已
蠲免其雍正十三年分該省尚有未完民欠恐官
吏仍循舊例小民一時未能分晰以致混冒收納
亦未可定著將雍正十三年分未完錢糧應徵之
耗羨一併減去五分該督撫即通行出示曉諭咸
使聞知

八月初八日奉

上諭任上作貢按則科徵賦稅之重輕惟視地畝
之肥瘠朕聞江南崑山新陽二縣有沿江濱湖地
畝雖不類於板蕪坍沒而蘆葦茶蕪不堪樹藝或
地處低窪十數九荒乃原編科則時分晰未清竟
有以下屋而供上賦者以致小民輸納維艱終歸

通久曾經前任撫臣委員察勘未曾上聞著巡撫顧琮確查詳核將如何釐正科則裁減浮糧以紓民困副朕愛養黎元之意其悉心妥議具奏

初八日奉

上諭朕愛養元元凡內地百姓與海外番民皆一視同仁輕徭薄賦使之各得其所聞福建臺灣丁銀一項每丁徵銀四錢七分再加火耗則至五錢有零矣查內地每丁徵銀一錢至二錢三錢不等而臺灣則加倍有餘民間未免竭蹶著將臺灣四縣丁銀悉照內地之例酌中減則每丁徵銀二錢以紓民力從乾隆元年為始永著為例該督撫可速行曉諭實力奉行若因地隔海洋官吏等有

索濫徵等弊著該督撫不時訪察嚴參治罪

初十日奉

上諭朕御極以來仰體

皇考愛養元元之至意勤求民隱加意撫綏惟恐賦役不均使閭閻有輸將之苦前訪聞得山東鄒城蘭山等州縣自雍正八年大水淹浸之後水退沙存沖壓地畝不能樹藝五穀小民納賦甚屬艱難特降諭旨令巡撫岳濬將此等地方詳悉查勘奏聞請旨項據岳濬奏稱雍正八年被水之後凡濱河傍山地畝如歷城等二十八州縣原報沖壓地共三千二百四十七項零經臣檄飭勘墾內有曹州曹縣芒縣沂水四處墾過地九百九十餘項

尚有二千二百五十項屢飭確查今復遵旨勅明
邾城縣實在沖壓地一百四十七項零蘭山縣沖
壓地三百五項其餘州縣如濟南府屬之歷城章
邱淄川長清長山等縣兗州府屬之滋陽寧陽泗
水鄆縣汶上等縣青州府屬之益都樂安壽光臨
朐安邱博山臨淄等縣萊州府屬之昌邑縣濰縣
武定府屬之惠民縣沂州府屬之莒州沂水縣泰
安府屬之泰安東平肥城新泰等州縣共計州縣
二十八處所有沖壓地共一千三百六十二項九
十八畝零實係積年廢棄人力難施應共免地丁
銀五千九十兩零米麥一百五十六石零等語著
照岳瀆所查實數造冊報部將地丁米麥悉行豁

免以除民累其雍正十三年應徵銀米除已經輸納外若有未曾完納者亦著確查豁免務使小民均霑膏惠毋使胥吏上棍侵蝕中飽

十一日奉

上諭朕聞山東章邱縣有缺額糧銀三千九百一十餘兩因從前地方官捏報墾荒以致糧無抵補相沿已久事難追究其現在已攤入地畝者雖每畝為數不多而其實則在正供之外民力未免艱難其未攤入地畝者更屬虛懸無著有司亦難賠墊朕心軫念官民著將已攤入地畝者於乾隆元年查明開除免其徵收其未攤入地畝者從雍正十三年起悉行豁免俾閭閻永無加派之苦而有

司亦無賠補之累該撫可董率地方官實力奉行
二十四日奉

上諭朕聞浙省屯糧向來每石徵銀一兩因軍丁
等輸納維艱於康熙年間特恩減免改徵銀五錢
五釐計算每畝徵銀八分有零彼時惟嚴州一所
遺漏開報未經查明減免每畝仍徵銀二錢一分
五釐查杭州前右二衛屯田與嚴所地方相距咫
尺每畝止徵銀一錢二分八釐零而嚴所地上比
通省較薄賦額則比通省較重實屬偏估所當酌
量變通使一體均霑恩澤者為此特頒諭旨將嚴
所屯糧循照杭州前右二衛科則徵收以紓軍力
其應豁減銀兩若干著大學士徐曾筠確查報部

永著為例

九月十二日奉

上諭朕御極以來仰體

皇考聖心時時以愛養百姓為念前訪聞得豫省
濱河兩岸侵壓柳佔地畝及鄭州鹽礮地畝每年
應徵額賦小民輸納維艱已降諭旨悉予寬免以
紓民力繼又聞得尚有鹽礮飛沙河坍水佔地無
可耕種仍賠納之處隨又降旨令該撫詳確查勘
彙實奏聞今據巡撫富德奏稱遵旨派委府州有
司查得祥符杞縣滑川中牟滎澤陽武封邱蘭陽
儀封鄆陵汜水偃師鞏縣孟津宜陽嵩縣登封內
黃新鄉延津濬縣滑縣孟縣原武濟源武陟淮寧

卷四
襄城長葛禹州密縣南陽新野裕州葉縣信陽州
汝州魯山郟縣寶豐伊陽商城等四十二州縣或
因飛沙堆積不堪佈種或因水勢冲刷坍入中流
或因淹浸日久變成鹽礮盡屬不毛或因外高內
低水無去路積為陂澤共地二千三十餘頃計該
糧共九千八百七十九兩零漕米共三百二石九
斗八升零朕思任土作貢國有常經其欺隱地畝
者自當治以應得之罪若田上荒蕪無地有糧則
當速沛恩膏以解閭閻之困豫省荒廢地畝既據
該撫確查奏聞著照所查之數造冊報部將額賦
永遠豁除以副朕惠鮮懷保之至意

二十九日奉

上諭粵西舊有軍屯田畝當日原係給與各屯兵
領耕不與民田一例編徵四差等項是以糧額較
重於民田他州縣偏重之數無多又無別項差徭
民間尚不至於苦累惟武緣一縣所徵糧額較之
下則民田每畝多出銀二錢二分未免過重小民
輸納維艱著該撫將武緣縣軍田舊額酌減每畝
定以一錢徵收永著為例以示朕優恤閭閻之意

十月二十四日奉

上諭湖北丁隨糧派一案前蒙

皇考疊沛恩膏多方調劑減免以除閭閻之累其
江夏等十九州縣攤納之重丁原經廷議俟有升
科丁銀可以漸次攤抵則輸納可得其半今朕聞

得原墾之荒頗多下嘗則攤抵之期一時難必念此十九州縣獨受重丁之苦輸納維艱朕心深為軫恤今仰體

皇考于惠元元之

聖心將江夏等十九州縣未經攤減之丁銀八千三百零八兩自乾隆二年為始全行豁免著該部行文吏貽直鍾保印遵諭行

二十八日奉

上諭朕聞永平府屬州縣凡徵收錢糧率皆以錢作銀每銀一兩連加耗銀一錢五分共折交制錢一千一百五十文現今該處錢價昂貴民間交納錢文比之完納銀兩為費較重朕思民間完納錢

糧銀數在一錢以下者向例銀錢聽其並用原以便民若數在一錢以上又值錢價昂貴之時亦令交錢轉致多費是便民而適以累民殊未妥協著直隸總督飭行各屬民間完納錢糧在一錢以上者不必勒令交錢在一錢以下者仍照舊例銀錢聽其自便

十一月初七日奉

上諭四川各上司向有貢馬之例其所貢本色則添補各營倒斃之馬而折價之馬每匹納銀十二兩此舊例也查通省營馬近已改照驛馬例每匹給銀八兩而土司貢馬折價仍是十二兩之數鑿民未免多費朕心軫念著從乾隆二年為始土司

肯納馬價每匹裁減四兩只收銀八兩永著為例
該督撫將朕此旨通行曉諭咸使聞知

十二月初八日奉

上諭湖北鶴峯州長樂縣原係容美土司地方每
年徵秋糧銀九十六兩自前年改土歸流經該督
撫題明俟設立州縣後確查成熟田畝照內地科
則輸糧今鶴峯州成熟田地共六百五十四項應
科條餉銀四百七十九兩長樂縣成熟田地一百
八十三項應科條餉銀一百六十七兩朕查雍正
八年湖南永順等土司改土歸流之時蒙我
皇考念其地瘠民貧將土民承種成熟地畝應納
錢糧即照原額秋糧二百八十兩之數分別計科

仍寬免一年在案今容美事同一例且聞波地沙
田華確土瘠水寒物產涼薄若照內地科則徵糧
土民不無拮据若將鶴峯長樂二州縣現報成熟
田地亦照容美之例即以原徵秋糧銀九十六兩
之數作為定額於乾隆丁巳年為始造冊徵收嗣
後若有招徠勸墾荒地再行奏報酌量升科至於
歲改上司以後未經查丈以前雍正二十三等
年及乾隆元年共應徵秋糧銀二百八十八兩悉
著寬免下必補徵以示朕愛養土民之至意

平惠全書卷四